ACTA DA SESIÓN ORDINARIA DA COMISIÓN TÉCNICA PARA O DESENVOLVEMENTO DO PACTO LOCAL PARA A XESTIÓN DO CICLO URBANO DA AUGA.

Lugar: salón de actos da Federación Galega de Municipios e Provincias, Rúa Varsovia portal 4C 6ª planta, Santiago de Compostela
Data: 16 de outubro de 2014
Hora de comezo: 10:00 h
Hora de remate: 11:30 h

ASISTENTES
Dona Mª Pilar Arias Graña (Xefa de Sección Xurídica da Dirección Augas de Galicia), presidenta
Don Juan Pablo Barrio Martín (Xefe do Departamento de Explotación), vogal
Don Javier Bobe Vázquez (Director da Área Medio Ambiente da Deputación de Ourense), vogal
Dona Andrea Macho Benito (Técnica de Medio Ambiente da Deputación de Lugo)
Don Roberto Arias Sánchez (Subdirector de Xestión do Dominio Público Hidráulico), vogal
Dona Susana Fernández Fernández (Xefa de sección do Departamento de Explotación), vogal
Don José Ramón Rada García (Xeólogo de Gestagua), vogal
Don José Manuel Orejón Guillén (Director técnico de Emalcsa), vogal
Don Eugenio Marcote Carballo (Técnico Proxectos, Innovación, Desenvolvemento da Deputación de Pontevedra), vogal

AUSENTES
Don Raúl Fernández Iglesias (Coordinador de actas e informes da Fegamp), vogal
Don Alejandro Pisa Jaraba (Director xerente de EMAFESA), vogal
Don Guillermo Grandío Chao (Coordinador área técnica da Deputación da Coruña), vogal

Asisten tamén Don Gonzalo Mosqueira Martínez, Director de Augas de Galicia; Don Rubén Curros Bermúdez, Xefe de Servizo de Execución da Planificación e Explotación de Sistemas de Augas de Galicia; Don José Antonio Serantes Barbeito e Dona Cristina Carrión Rodríguez, da Deputación da Coruña; Don Fernando Planas Roca, Xefe do Servizo de Vías e Obras da Deputación de Lugo e Don Juan Varela Esteban, da Deputación de Pontevedra.
ORDE DO DÍA

1. Aprobar, se procede, a acta da sesión anterior
3. Informar dos avances nos traballos que se están a desenvolver en relación coa definición dunha estrutura tarifaria homoxénea e de referencia para os servizos do ciclo urbano da auga en Galicia e coa contratación da redacción do “Estudio operativo, xurídico e financeiro da xestión dos servizos do ciclo urbano da auga”.
4. Proposta e inicio de novos traballos prioritarios para continuar avanzando na xestión do ciclo urbano da auga.
5. Rolda de intervencións libres.

DELIBERACIÓNS

1. Aprobar, se procede, a acta da sesión anterior

Lida a acta de referencia, resulta aprobada por unanimidade dos presentes.

2. Dar conta dos acordos adoptados pola Comisión Institucional en desenvolvemento do protocolo do Pacto Local para a xestión do ciclo urbano da auga, na súa reunión do 18 de xuño de 2014

Dona Pilar Arias Graña informa que a Comisión Institucional mantivo, desde a última xuntanza da Comisión Técnica, unha reunión con data 18 de xuño de 2014, na que se trasladaron todos os avances realizados na Técnica.

Indica que nesta reunión explicóuselles a realización das dúas actuacións acordadas previamente por ambas Comisíons: a formulación e traslado aos concellos dunha ficha técnica de carácter informativo sobre os sistemas de saneamento e abastecemento e a organización dunha xornada técnica formativa para a divulgação da normativa xeral e sectorial que resulta de aplicación á prestación do servizos do ciclo integral da auga e dos traballos que se están a realizar; efectuándose unha análise e valoración do resultado destas actuacións.
Informóuselles tamén dos traballos efectuados en relación coa realización dun estudio técnico, xurídico e financeiro de alternativas de modelo para a prestación dos servizos do ciclo urbano da auga no territorio galego e coa elaboración dunha estrutura tarifaria de referencia así como a constitución dun grupo de traballo para o desenvolvemento destes últimos. Presentáronse e explicáronse as distintas propostas elaboradas polos técnicos para a súa aprobación, por unha banda, a proposta de prego de prescricións técnicas e a memoria para a contratación da redacción do "estudio operativo, xurídico e financeiro da xestión dos servizos do ciclo urbano da auga e, por outra, o documento de conclusións sobre a definición dunha estrutura tarifaria homoxénea e de referencia.

Continúa informando que xuirdiu debate entre os vogais no que se formulan valoracións sobre distintos aspectos en relación coa documentación presentada e sobre a súa concreta aplicación posterior e se expuxeron as opinións sobre os obxectivos a acadar, resaltándose a importancia de continuar con estes traballos e de conseguir a súa aplicación para mellorar a xestión.

A presidenta remata indicando que se adoptaron tres acordos nesta xuntanza: aprobar a proposta de prego de prescricións técnicas e memoria para a contratación da redacción do "estudio operativo, xurídico e financeiro da xestión dos servizos do ciclo urbano da auga" e a súa tramitación; aprobar o documento elaborado pola Comisión Técnica de "Conclusiones sobre a definición dunha estrutura tarifaria homoxénea e de referencia para as Entidades locais de Galicia" como unha guía de recomendacións para a súa utilización naquelas decisións administrativas que corresponda, e comunicalo aos concellos para que pudieran presentar suxestións ou alegacións; e aprobar a continuación dos traballos para elaborar unha estrutura tarifaria de referencia e a elaboración dun modelo tipo de ordenanza para trasladar aos concellos.

3 Informar dos avances nos traballos que se están a desenvolver en relación coa definición dunha estrutura tarifaria homoxénea e de referencia para os servizos do ciclo urbano da auga en Galicia e coa contratación da redacción do "Estudio operativo, xurídico e financeiro da xestión dos servizos do ciclo urbano da auga".
Dona Pilar Arias informa que, en cumprimento do acordado e desde as últimas reunións, procedeuase a realización da tramitación para a contratación do servizo de redacción do estudo operativo, xurídico e financeiro da xestión dos servizos do ciclo urbano da auga en Galicia, estando actualmente pendente a súa adxudicación.

Continúa indicando que os concellos foron informados no mes de xullo, tanto desde a Fegamp como desde Aguas de Galicia, en relación co documento de “Recomendacións para a definición dunha estrutura tarifaria homoxénea e de referencia para os servizos do ciclo urbano da auga en Galicia”, explicándoselas a súa finalidade e a posibilidade de aportar suxestións ou observacións.

Engade que nese mes de xullo actualizouse a información e documentación sobre a que se está traballando nas Comisións, no enlace do “Pacto Local da Auga”, na páxina web da entidade pública Aguas de Galicia, expoñéndose ao público este documento, indicándose que contén as pautas acordadas polas Comisións, coa finalidade de axudar na definición dunha estrutura tarifaria do ciclo integral da auga que garanta o cumprimento da normativa e que poida servir como referencia para as Entidades Locais de Galicia e como linguaxe común a ter en conta na adopción de aquelas decisións administrativas que corresponda. Neste documento de recomendacións precícase que é un documento de traballo aberto e dinámico que poderá completarse e revisarse a través das suxestións que se realicen. Remata indicando que non se efectuou, ata o día de hoxe, ningunha observación.

Seguidamente abordase como continuar as tarefas por parte da Comisión Técnica, indicándose, en relación coas tarifas, que o grupo de traballo, continuará avanzando na definición da estrutura de acordo as pautas que xa sinalou o propio grupo no documento de proposta e empezará tamén coa elaboración un modelo tipo de ordenanza para trasladar a los concellos.

En canto ao contrato do servizo de redacción do estudo operativo, xurídico e financeiro da xestión dos servizos do ciclo urbano da auga en Galicia, Dona Pilar Arias indica novamente que a necesidade deste estudo derivase da situación actual de prestación do servizo e do momento de cambio normativo, sendo a súa finalidade axudar a poder tomar decisións conxuntamente en relación coas posibilidades de avanzar cara a un modelo de prestación supramunicipal que se adapte ás circunstancias do territorio e ao marco normativo existente.
Continúa expoñendo un primeiro enfoque no que, segundo propón, poden consistir os traballos para a realización do estudio e os obxectivos a acadar, para invitar logo a participación dos vogais coas suxestións ou modificacións que consideren.

A presidenta indica, respecto aos obxectivos a acadar, que téntase conseguir un primeiro estudo sobre a supramunicipalidade en Galicia, poder chegar a conclusións prácticas entre todos e ter mais criterios para seguir dando os novos pasos que é preciso afrontar.

Indica que será moi útil, en base a datos concretos e cifras, poder extraer conclusións prácticas sobre os modelos de prestación axelitados (partindo de agrupacións naturais onde existan e poida darse unha verticalización do ciclo, ou por agrupacións xeográficas ou prestación por parte de las deputacións en determinadas zonas rurais...). Tamén conclusións que posiblesiten prever as implicacións ou participación que poida ter as deputacións (nas fórmulas de xestión, na colaboración, no control da eficiencia da prestación dos servizos...), e Augas de Galicia (coa asunción da depuración, no control das obrigas de saneamento ou da prestación de servizos polos concellos, na colaboración técnica y financeira en obras, etc...)

O estudo terá tamén utilidade para poder darlle publicidade e dar información sobre todos os aspectos que se abordan e poder abrir un debate entre administracións e coas entidades locais e coñecer mellor os distintos enfoques e as posibilidades de colaboración.

Remata propoñendo formar un novo grupo de traballo para poder manter reunións comúns e coordinar entre todos a realización deste estudo e desde o grupo ir dando conta á Comisión.

Invita aos presentes a facer suxestións e propoñer as modificacións que consideren no enfoque feito. Os vogais mostran o seu acordo con este primeiro enfoque do traballo e acórdanse formar un grupo de traballo con representantes de Augas de Galicia e das Deputacións.

Os vogais emprázanse ao momento da sinatura do contrato para convocar unha primeira xuntanza deste grupo de traballo.

4 Proposta e inicio de novos traballos prioritarios para continuar avanzando na xestión do ciclo urbano da auga
Céñese a palabra ao Director de Augas de Galicia, Don Gonzalo Mosquera Martínez, o cal invita aos presentes a facer propostas dos aspectos que se consideren prioritarios para continuar avanzando cos traballos. Non as hai, e continúa proponendo as que se consideran prioritarias desde Augas de Galicia para sometelas á consideración de todos. Indica dous aspectos nos que urxe más comezar a traballar.

Explica o primeiro deles, no que se trataría de intentar consensuar un contido mínimo a establecer nos plans directores de abastecemento e saneamento co que deberían contar todos os titulares ou operadores de servizos, e isto coa finalidade de acadar homoxeneidade na xestión e nos sistemas.

Don Javier Bobe Vázquez intervéi expoñendo que considera que pode ser moi interesante avanzar neste aspecto pero pon de manifesto a dificultade que ten trasadar a cultura da planificación aos concellos, aínda así entende que tal vez a forma de logralo sexa desde este Pacto e a Fegamp.

Don Gonzalo Mosquera explica que se trata de comezar situando o problema para poder centrarse despois, pouco a pouco, en afrontalo.

Intervén Don Eugenio Marcote Carballo para manifestar o seu apoio á proposta e indicar que considera moi importante poder establecer, polo menos, uns criterios de máximos e mínimos neste aspecto; precisando Don Javier Bobe que estes máximos e mínimos son necesarios nos concellos pequenos que non teñen ningún criterio marcado, pero que tamén é esencial a planificación nos sistemas supramunicipais, para avanzar nestas infraestruturas que abarcan varios concellos.

Don Eugenio Marcote explica que a Deputación de Pontevedra colabora en dous proxectos WIZ, no marco de iniciativas Life, que teñen como obxectivo mellorar a xestión da auga potable e dos procesos asociados coa planificación urbana. Ofrece, se pode servir de axuda, compartir o avanzado ata o de agora neste proxectos.

A Comisión Técnica determina iniciar estes traballos en relación cos plans directores de abastecemento e saneamento e crear, para isto, un grupo de traballo composto polos técnicos
das distintas administracións (Xunta, deputacións e concellos) que por elas se decidan e se comuniquen á Comisión.

Acórdase elaborar un listado de técnicos que coñezan, nas distintas entidades locais, esta materia da xestión do ciclo urbano da auga e que poidan traballar e teñan interese en facelo, nos distintos grupos de traballo que se formen na Comisión Técnica.

Abórdase o segundo dos aspectos que se propoñen como prioritarios para continuar avanzando na xestión. O Director de Augas de Galicia explica que sería tamén moi útil analizar os problemas que xa se están producindo ou están xurdindo en relación coas infraestruturas xa existentes e en relación coas obrigas establecidas no normativa nova en materia de saneamento, que deben cumprirse nos prazos sinalados nela, desde a súa entrada en vigor e que están pendentes ou a punto de esgotarse os prazos. Sería conveniente facer un seguimento, dalo a coñecer e buscar solucións ou marcar unhas liñas de actuación común nestes aspectos para poder dar cumprimento a todas esas esixencias.

Os vogais conveñen o inicio tamén destes traballos e acordan crear, para isto, un novo grupo de traballo composto polos técnicos das distintas administracións (Xunta, deputacións e concellos) que por elas se decidan e se comuniquen á Comisión.

5 Rolda de intervencións libres.

Toma a palabra Don Roberto Arias Sánchez para explicar que transcorreu xa o prazo outorgado polo Regulamento Marco de Saneamento para que os concellos adapten as súas ordenanzas, e en Augas de Galicia teñen recibido e emitido informe favorables ás ordenanzas das entidades locais que procederan á súa adaptación estando, o resto, aínda pendentes. Recorda que continúa a obriga de adaptación aínda que xa teña transcorrido o prazo outorgado. Tamén indica que hai concellos que non presentaron aínda a ordenanza pero que si solicitaron asistencia técnica.

Lembra tamén a obriga, disposta na disposición adicional segunda do RD 1290/2012, de modificación do Regulamento de Dominio Público Hidráulico, para os titulares de vertidos industriais e vertidos urbanos de máis de 2.000 h-e, cuxos sistemas de saneamento orixinen desbordamentos en episodios de chuva, de enviar una relación destes puntos de desbordamentos aos Organismos de Cuenca antes do 31 de decembro de 2014. Don Roberto
Arias indica que foi enviado desde Augas de Galicia un requirimento de información en relación con estes puntos de desbordamento.

Don Juan Pablo Barrio Martín intervén para explicar que tamén aqueles titulares que non tuvieran permiso de vertido veñen obrigados a solicitálos no prazo de dous anos e que é deber das entidades locais adaptar os permisos vixentes de vertido ao regulamento. Neste senso informa do envío tamén desde Augas de Galicia dunha solicitude dirixida a todos os concellos requirindolles o censo de vertidos informatizado que é obrigatorio segundo a normativa.

Dona Andrea Macho Benito e Don Javier Bobe Vázquez piden que se lles envíen aos vogais o listado dos concellos que pediron asistencia técnica nesta materia e os modelos de escritos enviados desde Augas de Galicia para poder coñecer os concellos que necesitan axuda e están interesados, e coñecer estas obrigas e trasladalas, se teñen a posibilidade, aos concellos. Desde Augas de Galicia determinase proceder ao envío desta documentación.

Sen mais asuntos a tratar remata a sesión.